



واحد انتنهن اهرجى هرجى
(أغاني وأزجال للأطفال)

شعر : عزت زايد
تقديم : د. يسرى العزب

واحد انتين سرجى مرجى

عزت زايد

طبعة الأولى ٢٠٠٠م

الغلاف

اللوحات الداخلية للفنان:

محمود الهندى

مطبوعات الفجر

١٦

تصدر عن

جماعة الفجر الأدبية

القاهرة

المشرف على التحرير

د. يسرى العزب

المراسلات:

باسم المشرف على التحرير

الحيزة/ أرض اللواء/ فيصل

١٥ شارع محمد منصور

تليفاكس: ٥٧٠٢٢٤٢

رقم الإيداع:

٢٠٠٠/٧٣٨٣

واحد انتہین الہرجی ہرجی

إهداء

إلى أمى ...

إلى القلب الكبير الحانى
إلى كل أم تحسن تربية أبنائها
إليك يا رمز العطاء ..
إليك يا كل الرجاء ..
لك حبى .. وكلّ الوفاء

عزت محمود زايد

واحد اتنين سرجى مرجى

تقديم: د. يسرى العزب

هنا عشرون قصيدة زجلية، كتبها الشاعر المبدع/عزت زايد لأطفال مصر، يسهلُ بها مع الوطن كله العقد الثانى للطفل المصرى (٢٠١٠/٢٠٠٠)، ويقدمها بكل الحب إسهاماً منه فى تنمية المستقبل الإنسانى فى مصر، الذى يرى أنها لكى تتحقق بنجاح فعلينا أن نبدأ بالطفولة نزرع فيها الحب والخير والجمال، ونربيها على كل القيم الأخلاقية النبيلة، لينشأوا مواطنين شرفاء، أقوياء، نبلاء يعرفون واجباتهم تجاه الوطن، التى تبدأ بالأسرة الصغرى (العائلة) ويمضى فى دوائر اجتماعية أكبر (المدرسة، الشارع، النادي، المدينة) لينتهى فى الدائرة الأكبر (الوطن) هنا فرصة رحبة ليتتعرف أطفالنا على واقعهم بصدق واضح وفى موضوعية أمينة، وهذا يساعدهم على النمو عقليا ووجدانيا بشكل طيب وبديع يستخدم الشاعر فى حديثه الأبوى لأطفال مصر لغة مصرية بسيطة، هى اللغة العامية التى يعرفونها، التى يشاركونهم حياتهم فيها بحب الأب وحنان العم ورحمة الجد ورعاية الأخ الأكبر، يلعب معهم ألعابا كثيرة، ويحكى لهم حكايات كثيرة، ويمنحهم نصائح غالية كثيرة، ويصل معهم وبهم دائما إلى شط الأمان.

تحية للشاعر عزت زائد — وتهنئة لأطفال مصر بما قدمه لهم
من هدايا في قصائده.. وأملًا في أن يشاركوني الإعجاب بها..
حتى ننتظر — جميعاً — ديوانه القادم.

د. يسرى العزب

شنة المدرسة

شنة المدرسة

شنتى يا شنتى
هاكى عنك قصتى
فيكى كتبى وحاجاتى
وكمان فطارى ولقمتى
على ضهرى دايما أشيلك
بكل عزمى وقوتى

شنتى يا شنتى

كل زمايلى كلهم
جايب لى شنته زيههم
لوجات فى مره انقطعت
ماما تقول يا فرحتى

شنتى يا شنتى



دى شنطة حلوة مدلعة

وكمآن جميلة مربعة

ألوانها زاهية مولعة

وشنط زمايلى مفرقة

شنطتى يا شنطتى

بابا اشتراها من سنة

جابهها لى على ذوقى أنا

وقعدت أقول يادى الهنا

يومها بكيت من فرحتى

شنطتى يا شنطتى

وأنا فى ابتدائى جبتها

حافظت عليها وصنتها

لو رحت ثانوى شلتها

خليها تحكى قصتى

شنطتى يا شنطتى

أوری فوار بابا

أوری فوار بابا

أوری فوار بابا

أوری فوار ماما

أوری فوار می نفا

یا الله اكلوا على الله

أوری فوار بابا

كل واحد على مدرسته

ياخذ كتابه وكرسته

والصغير أنا لبسته

والكبير رزقه على الله

أوری فوار بابا

خلى بالكوا م الإشارة

اللى على ناصية الحارة

واوعى تعدوا تقولوا شطارة



والأعمار بيد الله

أورى فوار بابا

واسمعوا كلام أبله الناظرة

إنت يا شاطر وانتى يا شاطرة

خليك هادى طول الفترة

دى الهداية من عند الله

أورى فوار بابا

وأما ترجعوا الضهرية

حلوا الواجب مية مية

واوعى تكسل إنت وهيه

والنجاح أصله على الله

أورى فوار بابا

طابور الصباح

طابور الصباح

كل يوم فى الصبحية
نقف طابور ندى تحية
ونغنى لك يا بلادى
يا حياتى وضى عنية
ونحى العلم المصرى

تحيا مصر العربية

وعلمنا ألوانه ثلاثة
أبيض سلام وأحمر قوة
أسود يدل على الماضى
والنسر متربع جوه
والنسر فى الوسط منور
دا النسر رمز الجدية




والكل واقف كده مصفوف
رافضين نهاود لحظة خوف
ولا بنطاطى لآى ظروف
وسقفة عالية بأحلى كفوف
والكل بيحى بيص يشوف
يلقى النظام مية المية
وكل واحد على فصله
نبدأ دروسنا ونتعلم
والعلم نور يكرم أصله
خلانا نقرا ونتكلم
وكلام نقوله بصوت عالى
وتحيا مصر العربية
وتحيا مصر العربية

الكتاب

الكتاب

الكتاب ما احلى الكتاب
عربي .. دين وكمآن حساب
شعر .. فقه أو تاريخ
في العلوم .. أو في الآداب
كل شيء بقي سهل لنا
وكل دا أوفى صديق
لو في يوم حسيت بضيق
اقرا ها يهون الطريق
تعلّى بيه فوق السحاب
وكل دا بفضل الكتاب
الكتاب كان غالى نار



صعب يدخل أى دار

وبعد ما طال الفرار

أهو عاد بعد الغياب

وكل دا بفضل الكتاب

خلى كل العام ربيع

والشقى أصبح وديع

دى القراءة للجميع

للقرايب والصحاب

وكل دا بفضل الكتاب

مكتبة فى كل شارع

نقرا فيها فكر بارع

يبنديه فلاح وزارع

تلقى فيه عجب العجاب

وكل دا بفضل الكتاب

درس الحساب

درس الحساب

فى درس الحساب
اتعلموا يا أحباب
اليوم فيه كام ساعة
ما تردوا يا جماعة
وبسرعة يا حلوين
قولوا أربعة وعشرين
فى الأسبوع كام يوم
فيه سبعة يا غاليين
سبت وحد والاثنتين
إعرف يا نور العين
ثلاث أربع خميس



تكبر وتكون عريس
ويوم الجمعة أجازة
العب فرفش وهيص
والشهر يا حلوين
معروف فيه ثلاثين
والسنة فيها كام شهر
فيها انتاشر شهر
وهو دا الحساب
وشكرا يا أحباب

خير تعليم

خبير تعليم

سألت مستر حليم
أكبر خبير تعليم
قلت له ازاي أذاكر
وازاي يبقى التنظيم
باحاول أطلع م الأوائل
ويكون لي شأن عظيم
دا الرڪ على التعليم
قال لي خلى بالك
نظم دروسك وحالك
تلاقى السعد جالك
خليك دايما حكيم
دا الرڪ على التعليم





أقعد وحل واجب
نظم وقتك وحاسب
نفسك وعاتب
دا انت بحالك عليم
دا الرك على التعليم
أوعى تسرح شوية
فى حاجة تكون مش هيه
تلقى الأحوال غيبة
وتعيش فى عذاب أليم
دا الرك على التعليم
فى الأجازة دوغرى
إلعب وفرفش واجرى
وقت النشاط ده مغرى
وربك هو الكريم
دا الرك على التعليم

هدية النجاح

هدية النجاح

بابا لما نجحت
جاء لى أحدى هدية
وخذنى ورحنا نصيف
على شط إسكندرية
وفى مره وانا باتمشى
ع البحر فى الصباحية
لقيت اطفال حلوين
قاعدين يلعبوا فى المية
لابسين مايوهات جميلة
بالوان صافيه مصفية
وباباهم مستنيهم
قاعد تحت الشمسية




وقعدت اللعب وياهم
وأعوم على وشة المية
وشفت عيال بتلعب
بقوارب مطاطية
واللى بيلعب بكورة
ومضارب مية مية
وتحية للناجحين
وليهم أحلى هدية

حدوة

حدوتة

أنا عاوز أقول حدوتة
مليانة بمعنى كبير
حدوتة الواد محمد
وصاحبه الواد ألبير
على طول أصحاب وحبائب
فاطمة ومريم وعبير
مع بعض يروحوا النادى
شايقين من بعض الخير
ويذاكروا كل دروسهم
ولا منهم حد يغير
ومهما يكيد الأعداى
بفتنة وكلام حقير




الكل يعيش فى محبة
وسلام ويقلب كبير
يا مصر فيكى المادنة
والجامع جنب الدير
عاشين وحدة وطنيه
رافعين راية التعمير

الواد حمادة

الواد حمادة

الواد حمادة متضايق
من سوسو لما تكثر
مع أنها بنت حليوة
أمورة وزى السكر
تنزل فى الشارع تلعب
وف حاجة الناس بتكثر
ولا بتذاكرش دروسها
ولا فى الواجب بتفكر
كل الجيران كرهتها
وباباها دمه اتعكر
لوجم مرة نصحوها
تزعل تقعد وتكشر




أما الولد أسامة
دا وديع زى الحمامة
لا تتشوفوا مرة مكشر
ولا فى الشارع ببيجامه
دايما يحفظ دروسه
ويجيب أكبر علامة
وتيجى نينة تبوسه
بحنان ويا ابتسامه
وأما بتشوفها سوسو
تبكى وتبدي الندامة
وبسرة تقول أنا أسفة
وأنا هاعمل زى أسامة

مرآة عباس

مرات عباس

شفتوا اللي حصل يا ناس
من ليلي مرأة عباس
ضربت أسامة ابنها
وقفلت عليه ترياس
علشان ساقط في العربي
وفي الانجليزى محتاس
ولا بيذاكر دروسه
ولا دم ، ولا إحساس
وعاوز له درس خصوصى
بيقلد أولاد الناس
ونفسه ياكل كفتة
ويحلى بالأناناس



ويغضب على الطعمية

وبيرفض القلقاس

وتجيب منين ده كله

وأبوه راجل كناس

بياكلها بعرق جبينه

ولا مد إيده لناس

ما هو لازم ياخذ باله

فى الفصل وده الأساس

راح يطلع ولد شاطر

طبيب وإيده تتباس

أو ضابط يحمى بلاده

بقوة وعزم وحماس


وتحية ، وألف تحيه

للست مرأة عباس

نصيحة بابا

نصيحة بابا

بابا نصحنأ نصيحة
نزور الجنة سميحة
ونسأل على أهلينا
ونموت على ريحة الريحه
ونصلى خمس صلوات
وما نقولش كلمة قبيحة
ونذاكر كل دروسنا
ونسلمع أبله مديحة
ونطلع من الأوائل
ونجيب درجات مليحة
وبلاش ناكل م الشارع
وجبة البيت مريحة



ولا نعمل أى مشاكل
ونجيب للأهل فضيحة
نتصدق على الفقارى
انشأ الله بكلمة مريحة
ودى هى التربية
ودى هيه النصيحة

الصدق والأمانة

الصدق والأمانة

مما علمتني
الصدق والأمانة
بالحب فهمتني
أبعد عن الخيانة
أحترم مدرستي
وكمآن دأده بهانة
أصوم وأصلى دائماً
وأحترم كل ديانة
أساعد كل زمائلي
وما أراضأش الإهانة
وبلاأش ألبس سلاسل
ولا أأطف بقى لبانة




وابعد عن أى شلة
لو كات عيال جبانة
واذاكر كل دروسى
ما اطلب من حد إعانة
وهيه دى التربية
وهيه دى الأمانة

ملا

مَامَا

مَامَا بَتَصْحَى بِدْرِى
وَتَتَضَفْ كُل الدَار
وَتَصَلَّى الْفَجْر حَاضِر
وَتَجْهَزُ الْفَطَار
وَتَجِى وَتَصْحِينَا
وَتَقُولُ يَا الله يَا شَطَار
قَوْمُوا اتَوَضُّوا وَصَلُّوا
وَاتَكُلُوا عِ السَّتَار
وَكُلْ وَاحِدَ لَقْمَةٍ
جَبْنَةٍ وَقُوْطَةٍ وَخِيَار
أَوْ بَيْضٍ وَعَسَلٍ أَبْيَضٍ
وَكُلْ وَاحِدَ يَخْتَار



واشربوا اللبن ساخن
تتغذوا وتيقوا كبار
وروحوا على مدارسكم
واقروا ليل ونهار
حتكونوا م الأوائل
تعلوا ويعلى المقدار

حفظة القرآن

حفظة القرآن

حفظت كتاب ربى
وأنا عندى سبع سنين
كتاب فيه الهداية
لكل المحتاجين
ويكون شفيع فى قبرى
ولكل المذنبين
وكل حرف بحسنة
يا ناس يا مؤمنين
والفضل كله لبابا
وماما الطيبين
ومدرسين العربى
وكمآن بتوع الدين




دایما بیحفظونی
وكانوا مشجعين
واخذت عشر جوائز
من كل المسؤولين
ويا ريت تقلدوني
وتكونوا م الحافظين
إن شاء الله جزء واحد
وتكونوا م الفائزين
وعند الله ثوابه
والكل يقول آمين

دفع البنات

دلع البنات

دادى ومامى دلعونى
علشان وحدانية
وكل اللي با اعوزه
يكون بين ايديه
ودادى يقول حياتى
ومامى تقول عينيه
جابوا لى كل لعبة
إن شاء الله تكون ذهبية
واللبس أشكال والوان
من كل العيلة هدية
واخرج واروح النادى
وأنا ليه فيه عضوية



ولما كبرت شوية
جابوا لى أحدى عربية
وجدة عطانى فيلا
وأنا لسه فى الثانوية
وودونى جامعة خاصة
ودخلت احسن كلية
وكان مجموعى صغير
حوالى خمسين فى المية
وفشلت فى كل حياتى
ودى آخرة الحنية

الطفل والمحمول

الطفل والمحمول

وأنا لسة فى ابتدائى
دادى جاب محمول
فى عيد ميلادى هدية
زى الولد بهلول
قعدت اتكلم فيه
وأعيد وألت واقول
وتامر صاحبى قال لى
بصراحة أنا مغلول
إزاي تبقى صغير
وتشيل وياك محمول
وفيه تلاميذ غلابة
مش لاقية العيش والفول




ما تشوف حسين زميلنا
قاعد دايماً مذلول
مش لاقى شنطة لكتبه
وهو الأول على طول
يا ناس ما ترحمونا
مش هيّه دى الأصول
إن كان ربنا يديكم
خليكم فى المعقول

المعوق

المعوق

أنا طفل معوق مسكين
محتاج للعطف حنين
وإعاقتي فـ أيدي أو رجلى
فى لسانى من عمرى سنين
طول عمرى الأول على فصلى
واتحدى كل الشاظرين
وإعاقتي دائما دافع
لجل اتحدى الملايين
عبرت المائش صغير
عمرى كان ست سنين
طه حسين كان أعمى
ولكنه للعلم أمين



هيلين كيلر ما بتسمع
كان ليها صيت ورنين
زمايلي ليه تعايرنى
دا أنا كلى ذكاء وفطين
بادعى لهم ربى يهديهم
ويزيدهم خير ويقين

١- طه حسين : عميد الأدب العربى : ولد بإحدى قرى المنيا بالصعيد، وفقد البصر طفلاً ودرس بالكتاب والأزهر وجامعات فرنسا وحصل على الدكتوراه وكان وزيراً للمعارف "التربية والتعليم".

٢- هيلين كيلر : أمريكية : فقدت السمع والبصر والكلام فى سن التاسعة من عمرها. ومع ذلك حصلت على الدكتوراه فى القانون، زارت مصر سنة ١٩٥٢ وتوفيت فى يونيو عام ١٩٦٨.

واحد اتنين سرجى مرجى

واحد اتنين سرجى مرجى

واحد اتنين سرجى مرجى

انت حكيم ولا تو مرجى

أنا حكيم والله يا عادة

عندى أكبر عيادة

وعيادتى مستوفية

كل المهن الطبية

ونصاىحى مية المية

تجلب ليكم السعادة

ايه هى يا دكتور ؟

تشربى لبن الصباحية


وتواظبى ع التغذية

وتمشى ع البحر شوية

← sing



وتطلبى منه بزيادة
وايه كمان ؟
وماما لو طلبت خدمة
نعملها من غير كلمة
واللى نقوله بيفيدنا
وطاعة ماما دى عبادة
وايه كمان ؟
ودروسك قومى ذاكريها
والواجبات روحى حلبيها
واوعى لو تهملبيها
والمجموع يبقى زيادة
وايه كمان ؟
وصلاتك والله وصومك
إديها كده طول يومك



تطلعى طيبة من يومك
وتزیدی هدی وعبادة
• وإیه کمان ؟
واوعی ف يوم مرة یا عادة
تکدبی کذبة على حمادة
أو کذبة مرة فی شهادة
دا الکذب ده أسوا عادة

غادة

غادة

غادة يا غادة
يا سكر زيادة
اسمعي ماما
واسمعي دادة
دى طاعة ماما
احلى عبادة
ذاكرى دروسك
تاخذى شهادة
تبقى الاولى
زى حمادة
بكل عزيمة
وكل ارادة



تبقى طبيبة
وليكي عيادة
تخصص باطنة
ونسأ وولادة
تقيدى بلدنا
أحلى إفادة

الأجزاء

الأجـازة

فى يوم الجمعة الضهرية
صليت وركنت العربية
واكلت وريحت شوية
وسمعت دوشة مش هيه
بصيت ولقيت الأولاد
بيلعبوا عسكر وحرامية
وحمادة عمال يصطاد
عصافير ومعاة بندقية
والباقي بيلعب بالكورة
عاملينها دورة أولمبية
زعقت وقلت يا أولاد
الواحد تعبان م الصبحية



قالوا يا عمو احنا بنلعب
ودى أجازتنا الصيفية
وايه الحل اللى تشوفوا؟
قلت لهم الحق على

المحتوى

٥	١- إهداء
٧	٢- تقديم: د. يسرى العزب
٩	٣- شنطة المدرسة
١٣	٤- أوري فوار بابا
١٧	٥- طابور الصباح
٢١	٦- الكتاب
٢٥	٧- درس الحساب
٢٩	٨- خبير تعليم
٣٣	٩- هدية النجاح
٣٧	١٠- حدود
٤١	١١- الواد حمادة
٤٥	١٢- مرأة عباس
٤٩	١٣- نصيحة بابا
٥٣	١٤- الصدق والأمانة
٥٧	١٥- ماما
٦١	١٦- حفظة القرآن

٦٥	١٧- دلع البنات
٦٩	١٨- الطفل والمحمول
٧٣	١٩- المعوق
٧٧	٢٠- واحد اثنين سرجى مرجى
٨٣	٢١- غادة
٨٧	٢٢- الأجازة

عزیزى رجل المستقبل :

يمكنك تلوين أى لوحة من اللوحات الموجودة داخل الكتاب -
وذلك بعد تصويرها - واستخدام أى نوع من الألوان تختارها
حسب إمكانياتك : ألوان شمع / أقلام ملونة / ألوان مائية /
فلومستر .. إلخ.

ويمكنك رسم لوحة - من خيالك الجميل - لأى قصيدة تختارها
من قصائد الكتاب.


والمطلوب هو إرسال اللوحة المرسومة أو الملونة بعد إرفاقها
بالكوبون - فى موعد أقصاه أول أكتوبر سنة ٢٠٠٠ - على
العنوان التالى :

• جماعة الفجر الأدبية

١٥ شارع منصور - من شارع محمد موسى . أرض اللواء -
يمين كوبرى الملك فيصل

تلى فاكس : ٥٧٠٢٢٤٢

الجوائز : دراجة / شنطة مدرسة / أدوات رسم / أدوات كتابية /
مجموعة من الكتب الأدبية والفنية والمجلات .



جلف نايل كونسلت المركز الدولي للغات والكمبيوتر

دورة مجانية في الكمبيوتر أو اللغة الإنجليزية للفائز الأول
ودورات مخفضة ٥٠% حتى الفائز العاشر

اشعاشة من المساحة الدقى
للاستعلام ت: ٣٦١٧٥٣٥ - ٣٤٩٨٨٨٨

مطبوعات الفجر

صدر منها:

- ١- تغريبه عيرزاق الهلالي (دراما شعرية) د. يسرى العزب
- ٢- الهاموش (مجموعة قصصية) حسن نور
- ٣- المبعدون (مجموعة قصصية) إدريس على
- ٤- حكايات مصرية (مجموعة قصصية) د. نجادى إبراهيم
- ٥- الدائرى (رواية) د. نجادى إبراهيم
- ٦- شجرة مريم (شعر) د. يسرى العزب
- ٧- تأملات فى الفن والثقافة (نقد) د. محمد حسن عبد الله
- ٨- أمسيات عائلية هادئة (مجموعة قصصية) منتصر ثابت
- ٩- شجر الليمون (شعر) خالد النشوقانى
- ١٠- عصفور الحب (شعر) نجاه خليل
- ١١- حتى لا يطول الانتظار (مجموعة قصصية) محمود نور الدين
- ١٢- أكتب عمرى (شعر) ليلي محمد على
- ١٣- زائر بعد منتصف الليل (رواية) مديحة أبو زيد
- ١٤- خاطنة فى الجنة (رواية) يحيى سليمان



المجمع التصويري والاعمال الجرافيكية والطباعة

المركز المصري العربي

٧ شارع النهضة حسن محمد الهرم ت: ٥٨١٥٦٠٧

ARAB EGYPTIAN CENTER FOR DESIGN ARTWORK & PRINTING